

—— ديوان غرقان وسط الهموم ——

غرقان

وسط الهموم

للشاعر / ابراهيم عشري البورسعيدي

—— للشاعر / ابراهيم عشري البورسعيدي ——



إصدارات دار الحسيني للطباعة والنشر والتوزيع

اسم الكتاب: غرقان وسط الهموم - ديوان شعر

اسم المؤلف: ابراهيم عشري البورسعيدي

رقم الايداع: 2018/ 7626م

حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته

في نطاق استعادة المعلومات أو نقله أي شكل من الأشكال

المعروفة حالياً أو التي ترد مستقبلاً دون إذن خطي مسبق

المراسلات:

دار الحسيني للطباعة والنشر والتوزيع

المقطم الهضبة الوسطى الحي الرابع منزل رقم 5275 شارع عماد مصطفى

موبايل: 01144059975 ت: 27304004

إهداء إلى حب عمري

نفسى أجيلك واشتكيلك
بس خايف مش غباوتك
الغباوة فيكى داء
أنتي حب العمر كله
ولا انتى إبتلاء

ابراهيم عشري البورسعيدي

—— ديوان غرقان وسط الهموم ——

—— للشاعر/ ابراهيم عشري البورسعيدى ——

— ديوان غرقان وسط الهموم —

تصدير

بکیت .. مسحت دموئی

بمسح دموئی بکیت

فوائد حداد

— للشاعر/ ابراهيم عشري البورسعيدى —

رأيت الناس

رأيت الناس قد مالوا
طب ومالوا
عشان نسبه عشان ماله
عشان تقاطيعه وجماله
ولو مشبهش للسابقين
فليه عنه الجميع مالوا

رأيت الناس منفضة
عشان حبة فلوس فضه
يا دوب بتكفي لقمه عيش
لشئ تاني مبتكفيش
وده اللي مسبب الشدة

رأيت الناس قد ذهبوا
ولو ذهبوا هتفرق ايه
ماعادشي حد نبكي عليه
ولو نبكي. هنكسب ايه
وكل الناس قد ذهبوا

رأيت الناس قد عدلوا
وكنت اتمني يتعدلوا
وكنت اتمني مايسيبيونيش
مالو فارق معاهم بعد
لكانوا ف مره يوم عدلوا

السكه سد

أحلامي كانت بكر
وبأيدي فضيتها
والسكه كانت سد
وياريت ما هديتها
واحلام كثير تتعد
عدت محاسيتها
والدمعه من ع الخد
حرقاها غربتها
فالروح بتشكي القلب
علشانه فايته
فالقلب بس يرد
يا ريت محاسيتها

ضمير الحب

كبرنا سمعنا في الأساطير
عن العشاق وحكاويهم
عن العبسي وعن عبلة
وعمنا قيس معاه ليلي
وعن عشاق كثير ياما
حكاوي حبهم تفسير
بأن الحب ده خدعه
وناس بتقول عليه بدعه
وناس بتقول عليه لعبه
وان الحب وهم كبير
فراح احكي واقول ليكم
كلام مش هتلاقوه ف دساتير
بأن الحب مش كلمه وانه ضمير

—— ديوان غرقان وسط الهموم ——

و هو الحب ياخواننا اساسا يعنى عنده ضمير ؟

ده بيدمر فقلب القلب

تقولش بيهوي التدمير

ومبيهتم غير بالحب

تقولش أناني حتي أناني. في التقصير

ولو دورت راح

تلقي ضمير الحب ماله ضمير

—— للشاعر/ ابراهيم عشري البورسعيدي ——

الوحايا

اجمعي اشلائي
واحضني مني اللي باقي
وان قالوك مات في ايه
قولي كان في الجيش مجند
قولي ابني كان فدائي

وان قالوك دينه ايه
قولي كان بيقول ده مصري
لجل بلده يموت ويفدي
لجل ما للنور تعدي
دي العقيدة وده ولائي

واللي باقي فجسمه ايه

حته من كعب البياده
ويا كفه في السلاح
أما باقي الجسم راح
هوه ده كل اللي باقي

وان قالولك ساب وصيه
قوللي وصي بأرض مصر
بالخصوص وصي بـ سينا
لو عشانها نبيع مالينا
هوه ده املي ورجائي

والوصية الثانيه يا أمه
خلي بالك من ولادي
عرفيهم إن أبوهم
مات عشان خاطر بلادي

وان رملة ارض بلدي
شاربه دمي وحاضنه مني
اللي باقي من فتاتي

والوصيه الثالثه يامه
خلي بالك من مراتي
صبريها بكلمتين
قوللي جوه الجنة يا أمه
راح نكون متجمعين
دا أنتي جبل الصبر يا أمه
وامسحيلها الدمعتين

وان نادوكي أم الشهيد
فما تحزنيش

—— ديوان غرقان وسط الهموم ——

دنا يومي عيد
اما عيدي الجي احلي
لما في الجنة التلاقي

اما عن آخر وصيه
فما تلبسوش اسود عليه
اصلي عايش عند رب الكون بحاله
هوه وحده إللي باقي
وماتحزنيش
إبنك فدائي

—— للشاعر/ ابراهيم عشري البورسعيدي ——

مسرحية

أقرب حبايب ليا انا
بيضحوا بيا
ويمثلوا دور الضحية
باقي عليهم
هما مش باقيين عليا
وأهي تمثيليه وكله عارف دوره فيها
بنبيع مشاعرنا برخيص للى شاريها
وبنديهاله وبعدها ندور عليها
اما انت لو هتبيع وتعمل زيهم
هتلاقيهم كلهم عاملين حسابك
ويخافوا منك يعملوا قال ايه صاحبك
ولو اشتريتهم يكسروك
ويدوسوا علي رقبة جنابك

فكر فى نفسك
ماتقولش دول أهلي ودول اغلي ما عندك
بكره يبيعوك وسط الطريق والكون يعاندك
وتلاقي رجلك لل سقوط سحباك لوحداك
انسي اللي كان ويا اللي خان وانسي اللي باعوا
ولا تبكى يوم ع اللي غير كل يوم لونه وقناعه
او ع اللي لدغت قلبك الطيب اوى .. والاسم حيه
واكتب جواب للناس تحذرهم وقول
بعد التحيه
فتح المزاد لازم نبيع
والكاس ده داير ع الجميع
والدنيا اصلا مسرحيه

نفسى اعيش

انا نفسي اعيش
واما احتاج حاجه القاها و ما اسمعش مفيش
لكن يا خساره
الجي أساسا ما يقضيش
انا نفسي احب
لكن الحب يعدي عليه وما يشوفنيش
حتى الاحلام اللي بشوفها بتروح ماتجيش
والفرح نساني وقال يعنى انه ما يعرفنيش
والدنيا تقولش معنداني هرياني تلطيش
من كتر التلطيش مش واعي
وتقولش انا شارب طن حشيش
وبصبر روعي بأي كلام
وبقولها اهدي ماتتجنيش

—— ديوان غرقان وسط الهموم ——

هوه انا موجود ولا انا مساوئش
ولا انا عايش في الكون دروئش
والدمع بيلمع في عينيه
ف بزغزغ نفسي عشان مابكئش

—— للشاعر/ ابراهيم عشري البورسعيدى ——

مكسر

ملعون ابو اللي يقدرك
ويعيش معاكى وراضى انه ما يخسر
ملعون لانه عبرك
واستحملك علشانه حبك
وكان بيسعى يغيرك
وبفكرك
كان حبي ليكي بالمقاس
كنتي العمود كنتي الاساس
لكن غرورك دمرك
فعملتي من قلبي مداس
لكن خلاص
انا قلبي ناوي يحسرك

—— ديوان غرقان وسط الهموم ——

من غير محتة ممد أيدي واعورك

بكلمه واحده راح اكسرك

ملعون ابو اللي يقدرك

—— للشاعر/ ابراهيم عشري البورسعيدى ——

بحيش وخلص

مع كتر الوجد الساكن في ملامحي
مع نبض القلب المظلوم من جرحي
مع كل بذور الأمل اللي اتزرعت
لسه انت يا قلبي مابتزهersh
مع انى بدرت الحلم حياه
ورويته بدمي عشان ألقاه
لكن مالقيتش ويا ولداه
وكانه اساسا زرع شيطان
نامي ومتفرع في الأغصان
ولقيت الحلم طرح أحزان
صدقني يا قلبي احنا غلطنا
النيه البيضا تموتنا
من بكره نغير سكتنا

—— ديوان غرقان وسط الهموم ——

مانكملشي

ما بقيت متغير علي نفسي وعلي كل الناس
والضحكة اتسرقت من وشي معاها الاخلاص
وبيقت أيامي اكيد واحده وراح اعيش وخلّاص

—— للشاعر/ ابراهيم عشري البورسعيدى ——

الصوت سكات

أصعب نتيجة معركة
لما تكون متمسكة
رغم التعب ومفككة
وبرغم خوفها متبته
فيرد قلب مابيساويش
ويقول لوحدي راح أعيش
ويقلها اسف اوى
ماتلزميش
تقع في ثانيه ميته
عايشه وبس القلب مات
بيدق بس الصوت سكات
لو صوت طلع بيكون آهات
وكلها متشتته

—— ديوان غرقان وسط الهموم ——

تقعد تلملم فى الباقي منها
وسط الطريق واقفة بتقهر حزنها
واتكعبلت فى ذكرى عدت جمبها
وقعت بقت متفتته

—— للشاعر/ ابراهيم عشري البورسعيدى ——

بوعدك

عملت الصبح فبعادك
وقلبي بوعدك أتمسك
تعبت كثير عشان خاطرك
وكنت هضيع وانا فبعدك
ظروف صعبه كثير مرت
وكان حبك سبب صبري
وقولت ما هي اختارت
علي وعدي تكون قدري
لذا اتغربت علشانها
وكان همى انى لما ارجع
اموت فى الدنيا بس ارجع
اعيش الموت فى احضانها

بنشغل بالننا

بنشغل بالننا ليه بغيرنا
وننسى كل مشاكلنا
كمان دافنين مشاعرنا
وبنعاند ليه في المكتوب
ولا قدرنا ولا وصلنا
بنبعد كل حبايبنا
ده أولنا وده آخرنا
ده وعد علينا وللا ذنوب
بنقسي سنين وبنعاند ولا المجانين
ومش عارفين لفين رايعين
لفين الدنيا وخدانا
نعيش وخلاص

—— ديوان غرقان وسط الهموم ——

قلوب عايشه بدون احساس

ولا فارق معاها الناس

وحبايبنا معنادانا

—— للشاعر/ ابراهيم عشري البورسعيدى ——

وكانه شيطان

بنعيش فرحها واوجاعها
بنشترها وبنبيعها
وبنشكي ليها ونسمعها
وهيه دنيا ومالها امان
الكل فيها عايش محتاج
لفلوس وشهره وكله سراب
واقرب حبايب بقوا اغراب
والكل شايع قبل اوان
وكل يوم بنفارق ناس
وناس بتعمل علشان ناس
وناس وعامله الخد مداس
وفي النهايه كمان تتخان
الكل عاوز مصلحته

—— ديوان غرقان وسط الهموم ——

ويبيع ابوه علشان راحته
واول بتخلص مصلحته
يقلب عينيه وكأنه شيطان

—— للشاعر/ ابراهيم عشري البورسعيدى ——

خريطة

العمر عدي واتسرق
بس القلق
من هم عشش في الهدوم
مظلوم يا ناس
والمر كاس
دايقه ليلا تي فكل يوم
من كتر سكري م القسي
العقل طار
والجته مش قادره تقوم
والمخ راح
والروح ليه ملياها الغيوم
واهو بكره اموت

—— ديوان غرقان وسط الهموم ——

وبكره برضك ع الورق

راح يكتبوا

مات مالغرق وسط الهموم

—— للشاعر/ ابراهيم عشري البورسعيدى ——

أحبك في السر

انا نفسي في السر احبك
واوهم في الناس اننا اعداء
واسكن واتربع علي قلبك
ونبان كارهين وبكل ذكاء
الصباح هشوفك وما اسلمش
وسلامي يكون بالعين والرمش
مش قلنا خلاص
مش متفقين قدام الناس
نتعامل زي 2 غرباء
انما مع بعض ووحدنا
هنعيش نتعني ببعضينا
ولا شئ في الكون هيكفينا

—— ديوان غرقان وسط الهموم ——

هنعيش الحب وجود / وخلود / وطموحنا هيهزم اى فناء
وازاى راح اداري الحب كمان
وانا سهل الحب عليا بيان
وازاى انسان يفضل انسان
من غير ماشعوره بيان ف عينيه

—— للشاعر/ ابراهيم عشري البورسعيدى ——

حورية م الجنة

يا اغلي حوريه مالجنه
بضحكه طفله مكسوفه
بدوب وياكي من نظره
بلاقي روعي مخطوفه
يا شجره ونبتة من قلبي
يا ورده عشاني مقطوفه
بتوه انا لما اشوف عينك
بتبقي عليه ملهوفه
تمللي بشوفك ان انتي
شروق الشمس وطلوعه
وضحكه حد متغرب
وفرحان لسه برجوعه
وواء من طفل لسه وليد

—— ديوان غرقان وسط الهموم ——

تفرح اهله في سبوعه
وقلبي بجد مالفرحه
بيحضن صدري وضلوعه

—— للشاعر/ ابراهيم عشري البورسعيدى ——

صورة

مسكت الورقة والاقلام
عشان ارسم بيهم صوره
لقيتني. نسيت باقي الالوان
وكل اقلامي مكسوره
ومش باقي غير الطباشير
ماينفع. غير لسبوره
وحتي اوراقى مش نافعه
اكيد اوراقى معذوره
هتقبل صورتك انتي ازاى
فهينه طفلة مذعوره
عشان شافت كلاب ضاله
اكيد من جوعها مسعوره
تعبت وقولت هعمل ايه

—— ديوان غرقان وسط الهموم ——

ملازم اخلد الصورة
نبشت الصخر بدراعي
لقيت الصورة محفوره

—— للشاعر/ ابراهيم عشري البورسعيدى ——

الخيال حياة

ولينا في الخيال ده حياه
بنحلم باللي نتمناه
وبنلاقي اللي مابنلقاه في حبايبنا
وبنعيش جوه حلم جميل
بنتمناه لعيشنا بديل
ف للأحلام قلوبنا تميل
فحكيناك علي حلمي
يا رب تكون يا حلمي جميل
حلمت ببيت علي صحابه
ومتغطي بنسمه صيف
وحبه بطير بجناحاتي
وحبه بنام لكن تخاطيف
وبعشق لون عنين اهلك

—— ديوان غرقان وسط الهموم ——

مفیش فی احلامی یشبهک
ولو لحظه تغیب عنی
فہعمل لیکی کل جدید
فاصحی القمرہ من نومہا
وانیم شمسہا فحضنی
واجیب نجمہ واقیس توبہا
عشان عنک ما تبعدنی.

—— للشاعر/ ابراہیم عشري البورسعيدی ——

إتعالجنا بالبعاد

اختلافنا سبب فراقنا
ولا كان الحب دائنا
واتعالجنا بالبعاد

ليه فى عز الشمس توهنا
حتي لو شوقنا غالبنا
واتناسينا سابق عهدنا
واتعاهدنا ع العناد

هوه صح احنا عشقنا
حقه كان الشوق تالتنا
ولا كان وهم ومالكنا
فوقنا منه في المعاد

كآبه وكرب

أزاي أنا بقدر عالوحده
وازاي بيهون علي قلبي الحب
منا ياما عرفتلي كام واحده
ولا قدرت واحده تخش القلب
موهوم ولا انا قادر فعلاً
ولا أنت يا حب عليا بذنب
صنف الستات اصلاً واهي
هيخلوا حياتي كآبه وكرب
وان كان مكتوبلي الهوى فعلاً
مش أولي يا قلبي نحب فكلب
مش ممكن كلب يكون أأمن
لا بيعرف يخدع لو أمكن

وكمان يحميني ومش ممكن هيجب برب
أو ممكن حتي اعشق قطه
وأعيش وياها لقطه بلقطه
أحسن من واحده تجيب جلطه
ونعيش أيام كده زى الغرب
أو ممكن حتي اعشق سمكه
وأجبلها شبكه تكون شبكه
وتكون. لحياتي هيه الملكة
ونعيش أيامنا سعادة وقرب
أو ممكن حتي اعشق عصفور
ويكونلي حياتي يكونلي النور
وأفرد جناحات وألف وأدور
وأخدها سفر من شرق لغرب
أو حتي أتهور واعشق نمس
وأعيش وياه أن شاء الله في حبس

أحسن من واحده تغم النفس
لو زعلت ثانيه هتعلن حرب
أو احسن ليه اعشق عفريب
ويخلي جنة في قلب البيت
ولا اسمع فيها عويل وصويت
وأكنى في وسط مسلسل رعب
صنف الستات اصلاً واهي
هيخلوا حياتي كآبه وكرب
وميسناهلوش في الدنيا دي
غير ذل وعنف وقسوة وضرب

مش هسمعك

لما أنت قولت في يوم عليا ماهنفك .

إيه رجك

إيه اللي جابك تحت رجلي

وجاي عاوزني أسمعك

مش كنت روحت وقولت ناسي

وقولت قلبي ضيعك

وللا في لحظه عرفت قيمتي

وجاي شوقك ولعك

مش هسمعك

اوعاك تكون مستني رد

ده خيال ده ولا كلام بجد

وبقولها عادى ومش بعند .

قلبي خلاص من 100 سنه

من قلب قلبه طلعتك

مس هسمعك

مش طايقه حتى اسمع فى اسمك

او حتى أجيب فى خيالى صورتك

ونصيحة منى لا تجيب فى سيرتى

وأنا كارهه سيرتك

واوعاك تقول انى خسرتك لما قلبى ودعك

انا عمرى مخسرت إلا نفسي

لما كنت فيوم معاك

منا كنت معميه فهواك

والوقتى بحزن لما أفكر

أنى كنت أتمنى لحظه أنول رضاك

بس قلبى عرف يعيش

لما خدت قرارى أنى

—— ديوان غرقان وسط الهموم ——

من جوه قلبى هخلعك
ويقولها لىك واحفظها صم بودعك
واسكت عشان مش هسمعك

—— للشاعر/ ابراهيم عشري البورسعيدى ——

شير حلمك

شير حلمك يلا اوام
واعمل منشن بقي للحب
واخرج من صفح الأحزان
وأدي بلوك علي الأوهام
واكتب علي صفحات العشق
كومت بدون .. أي كلام
واعمل تاج وكمان replay
لقلوب صاحبة ومش بتنام
وتكرت صفحه مقفولة
وكمان تعمل فيها بطوله
وتسميها عشاق سنه أولي
لقلوب عشقت قبل أوان

واعمل هاش تاج للعشاق

لقلوب دابت مالا شواق

وكمان تعمل. فيها سباق

من غير مهزوم من غير خسران

وتخشلي مجموعه سريه

في الحب بيمحو الاميه

وتسميها الحق عليا

لقلوب كان حضنها كله أمان

واعمل 20 نكر لقلبك

يمكن تعرف مين بيحبك

طول العمر هي فضل جمبك

جوه القلب هي بقي صمام

كلمات ديني

راح اشهد اني
مش راح أحب في ايامي دي غير انتي
وان الحب مني رسول
وهملي الكون ده بدعواتي
وبترانيمي
وأذكي عن سواد عينك
وهتصدق على جمالك
وادعي يا ريت في دنيا الحب
أكون تابع وتاخديني
وهتعبد في محرابك
وأغني الحب وآياته
واصلي الفرض والسنة

عشان ولا يوم متنسيني

واصوم ع الدنيا لما تغيبي عن عيني

ولما البدر بينور بسرعه افطر على شفايفك

ولما البدر يضحكلى بغنى احلى غنوه حب

وعاوزك ليا بس امام ولعيونك تأميني

واجي لحد باب بيتك

واحرم جوه احضانك

عشان فيها تخبينني

واقول اني

لما انتي ترضي عليا وتحني

خلاص كملت انا ديني

خلاص كملت انا ديني

سبحة عمری

یا ریتک بس تهتمی
مطلعتی تاریخ امی
وانا العاشق بقالی سنین
وبدل الحب زاد همی
کتیر راضی ومن فتره
وعایش بس علی فکره
ادوق مالحب لو ثانیه
واقول جایه خلاص بکره
وبدل الیوم یفوت 100
ویدبل دمعی فی عینیہ
والأقی همی زاد همین
واحلامی دی منسیه
واعیش ایامی کالمیت
وسبحه عمری دی بتفرط

وانا عايش فى حلم قديم
واحلى سنين خلاص مرت
ويشرق فجأه حلم جديد
وألاقى قلب زبي وحيد
يقول حبيت ودويت انا فيك
الاقى النور ملئ عينيه
ده حب ولا دى مراهقة
وفارقه ولا مش فارقه
وبقت الدينا ليه غامقة
مدق القلب بعد ممات
ويصبح حالى متغرب
وعن حالى انا استغرب
واقول ماكفايه بقى تعذيب
أكيد منها لازم اهرب
فبسترجع فى حب زمان

واحلامي وكان ياماكان
وألقى اللى خنقاني بتسكن جمبي فى العنوان
ونفس الأوضه والشقة وعائشه بس مش فارقه
ومش باقى غير العشره
على حبه كمان شفقته
وافكر برضه فى عيالى مهما كل راس مالى
احب ازاي مبس خلاص انا هبكي على حالي
كبرت خلاص يا قلبي وشخت
تحب جديد أكيد بوخت
تعيش وتقضى أيامك
وترضى خلاص بأياها بخت

الخابج

انا الطالع لنقطه صفر مالسالب
انا الموجود لكن غايب
وكل ملاقي حبل ياخدني فوق الصفر
بلاقي الحبل ده دايب

انا المتساب ومش سايب
وسهم ظلمكم صايب
ومهما بتقسوا برضه عليه
قوام من حبي اقوم صابب

انا المعيوب ومش عايب
وكل شويه بتعايب منا الخايب

—— ديوان غرقان وسط الهموم ——

عشان من ناسي دوقت المر
لحد مقلبي شال الهم بقي شايب

في أوجاعكم ليه بتعاتب
في أفراحكم مليش نايب
فكل مكان انا المتلام
وانا عن حبكم تايب

انا المطروح عشان نقصي بيسعدكوا
وانا المقسوم علي همومكوا واحزانكوا
وانا المضروب بكفي قلم عشان عني ما ببعدكوا
وانا المجموع علي غيركم وبدعي ربنا يزيدكوا

—— للشاعر/ ابراهيم عشري البورسعيدى ——

كلام موزون

كلام موزون

وليه قافيه

ومش كل اللى قال الشعر

قصايدہ بتکتب وافيہ

وانا شاعر

مشاعره تشعرك بشعور

مغاير مختلف مبهر

انا شاعر بحب اظهر

فى وصف حبيبتى حلاوتها

ف اقول عابر عشان بعبر معابر للى حبيبتها

كما قادر عشان بقدر اقدر كل غلاوتها

وانا عارف عشان بعرف معارف كل برائتها

وانا جاهل عشان بجهل مجاهل فيها حبيبتها

وانا بفرح عشان تفرح فتفرح بيها دنيتها

—— ديوان غرقان وسط الهموم ——

كمان عاجز عشان بعجز اعجز فيها قسوتها
وانا سكران عشان بسكر بسكر محلى شفتها
وانا حابر عشان محتار أحير فيها جرائتها
وانا كاتب عشان بكتب كتاب ميكفي ضحكتها
كمان كاتب عشان هكتب كتابي ع اللى حبيتها

—— للشاعر/ ابراهيم عشري البورسعيدى ——

مش فارق

تغيب عني ماتوحشنيش
ومن بعدك قدرت اعيش
ولو حابب تشوفني ف يوم
هقولك لأ .. يا ريت ماتجيش

قدرت اكون ومن غيرك
ملكيت الدنيا مع غيرك
ولو تندم وتتغير
منيش مستنى تغييرك
ما عيشت سنين هنا لوحدى
ودوست عليا بزياده
بحمد ربي داويت جرحي
ومش راح احن كالعادة

—— ديوان غرقان وسط الهموم ——

تروح وتغيب ومش فارق
خلاص قلبي بقي مفارق
ولو تبكى بدموعك دمك
بقول أصلا متلزمينش

—— للشاعر/ ابراهيم عشري البورسعيدى ——

ضاع السند

ضاع السند

والمدد .. يا رب من عندك

وازاي اعيش فى الدنيا

يا أبويا من بعدك

دنا لما كنت احتاج

لنصيحة أو للمال

بلقى اللى محتاجه

وزياده من عندك

ضاعت معاك كل الحاجات الحلوة فى الدنيا

وانا لو بايدى ارجع والعمر اعيشه معاك

الثانية بالثانية

وتقولى انا سندك

—— ديوان غرقان وسط الهموم ——

ارتاح انا فى حضنك

دقنك تشوكنى تضحك .. تضحكنى

بعدك بيرىكنى .. ف ارجع بقى ارجو

—— للشاعر/ ابراهيم عشري البورسعيدى ——

هسيبك

هسيبك

انا قررت و هسيبك
مانا خادتك علي عيبك
وياما قبلت ألاعيبك
ورغم اني انا القسمه
وكنتي نصيبي و نصيبك

هسيبك

عشان هارتاح وانا فبعدك
واعيش الدنيا من بعدك
وهكسر كل ترتيبك
هسيبك

—— ديوان غرقان وسط الهموم ——

ومش راح اعيشها مخدوعه
كفاية انا روعي موجوعه
وباقى العمر راح اعيشه
لأنك كنت وهم وراح

سنيني الجايه اقضيها
كفايه ان انت مش فيها
وهبدأ تاني عمر جديد
يطيب قلبى بقى ويرتاح

واشوف نفسي
وهعمل كل ما ف نفسي
ومش راح اسيب فى قلبي مكان
لحب وشوق ...
ولا لجراح

—— للشاعر/ ابراهيم عشري البورسعيدى ——

كنت بحتاجك

كنت بحتاجك زمان
وراضى بقساوتك كمان
تعبت كثير عشان خاطرك
وقولت رضيت
كثير ماتت حاجات بينا
ولسه يا قلبى بستنى
أحس براحه واتهنى
وما اتهنيت
لا وياكى قدرت ارتاح
ولا فى بعدك عرفت جراح
بقول عنك ده وهم وراح
ولسه القلب يهواكى

—— ديوان غرقان وسط الهموم ——

كثير بعدك عرفت قلوب
لكن فى هواكي دايب دوب
وبس اكنى متأكد
مايصينيش غير المكتوب
هعيش ايوب
وهفضل أحاول أنساكي

—— للشاعر/ ابراهيم عشري البورسعيدى ——

هعيش علي ايه

هعيش علي ايه
ده حتي الحب جوايا بقي محير
ومش بلاقيه
وياما حلمت واتمنيت
لكن كل اللي حققته بكل سهول ضيع فيه
وهنت عليه ومش عارفه أداري بأيه
دموعي وكل أحزاني
طب اعمل ايه
ماضاعوا سنين علي الوحدة
ومش عارفه ولا عاده
وعايشه كائي مش واحده
ومش راح أموت بأحزاني
تملي بقول أكيد بكره

راح انسي واقول بقيت ذكري
لكني بموت من الفكرة
دموعي سابقه احلامي / سنين بتفوت وقدامي
حاجات بتموت ومش بنسي / بحبه وحبه كان نكسه
وقلبي يقول ياريت فرصه
تغير كل أيامي
انا عايشه ومش عايشه
منيش عارفه ولا حاسه
وحبه ف قلبي ليه لسه
ماليلي فكري وكياني
صحيح حبيت وكان يزعل بدون أزمه
ويخسرني بدون لازمه
وهجراني عليه بقى سهل
وكان الاهل وكان البيت / وكان التربه والتوابيت
وكان صبار وكان حنضل وكان التوت

—— ديوان غرقان وسط الهموم ——

ويا ما عيشت فيه الموت وكان كل اما اطيب يوجع
فمش هرجع اموت تانى

—— للشاعر/ ابراهيم عشري البورسعيدي ——

يا ست الكل

يا ست الكل والأحلام
يا أغلى عندى م الدنيا
عيونك بحر م الأحلام
ولو غيبتي مفيش دنيا

هواكى هوه أحلامي
تعالى وحلى ايامى
عيونك هيا راس مالى
وعن حبك ما هستغنى

يا عمر وعيشت فيه فرحان
زمان السعد هل وحن
ووياكى مفيش أحزان

—— ديوان غرقان وسط الهموم ——

وجوه ف حضنك اتهنى

يا ست الحسن والطيبة

غريبة عنى وقريبه

عيونك مليانين طيبه

وقلبك روضة الجنة

—— للشاعر/ ابراهيم عشري البورسعيدى ——

طرز

ايه اللى جابك
قلبي مش طابق جنابك
جايه تحكى وجايه تشكى
فات خلاص وقتى لعتابك
صدقيني خلاص نسيته
واتناسيت انى هويتك
بعث فيكى وما اشتريتك
اصل مش فارق غيابك
طرز فيكى وطرز فيهم
أصلى مش مغصوب عليهم
ياما بكوا زمان عينيا
وانتى ياما جرحتى فيا

طز فيكى وفى الى جابك
قلبي مش عبد لجنايك
جه خلاص وقتي لحسابك
بكره جاى الدور عليهم
طز مش كلمه إساءه
طز مابتعنيش بذاءة
طز حتى يدوب عليكى
انتى عايزه كلمه أجراً
كلمه تقتل كل ساعه القسوه فيكى
انتى عايزه طز اقوى
بس طز
مش هفكر حتى اقولك طز فيكى

أوجاعنا

مانبناش إلا أوجاعنا
على القلب اللى ضيعنا
عشقنا وهو ليه باعنا
يا قلبى م الفراق مكتوب

هويته وشيلته على راسى
وكان اهلى وكان ناسى
لكن طول عمره كان ناسى
وكنت يا قلبى وسط قلوب

ده مررلى فى ايامى
وكرهني فى احلامى
وزود حتى فى آلامى

—— ديوان غرقان وسط الهموم ——

وامتى يا قلبى عنه تتوب

هزود صبر على صبرى

واسامحه وعادى هتحمّل

هكمل بيه بقيت عمري

وانا المغلوب على امرى

وفى الآخر ...

انا المعيوب

—— للشاعر/ ابراهيم عشري البورسعيدى ——

الحلم الفلسطيني

انا نفسى نكون أيد واحده

وده حلم بقاله سنين

راح نصبح اقوي واقوي

ونعدّل فى الموازين

ونعيش مكانتنا السابقة

ونرجع مجد سنين

نحلم بالأمّة الواحدة

وبألف صلاح الدين

وبجيش على نفس المنهج

وبيملك نفس قدره

انا نفسى الاقصى يهلل

ويدق اجراسه ف روحى

وكنائسه تأذن بكره
انا نفسى الف واسافر
ملاقيش فيه ما بينا حدود
ولا الاقى ما بينا فيه فاصل
ولا اى جدار ليهود

ولا فيه خلافات تبعدنا
خلافاتنا ما ليها وجود
تحيا فلسطين الحره
والقدس اكيد هتعود

أم الدنيا

تهمتى أنى ابقى مصري
كنت مسلم او مسيحي
وأما هستشهد عشانها
كل مصر تكون ضريحي
كل ذنبى انى حبيبها
عمر ارضى ف يوم مااسيبها
مهما كانوا يقولوا عيبه
هيا ام الدنيا مصر
نيلها أصلا هوه دمي
أرضها لابنك وأبنى
هيه ابويا وهيه أمى
هيه ام الدنيا مصر

—— ديوان غرقان وسط الهموم ——

كل ناسها فيها عيله
حب غايه ومش وسيله
عاشوا فيها ايام جميله
هيه ام الدنيا مصر
مش هتحنوا راسنا فيها
ارضنا هنموت عليها
وبما نملك نفتديها
هيا ام الدنيا مصر

—— للشاعر/ ابراهيم عشري البورسعيدي ——

اللى جاى

ابتديتى ولا انتهيتى
لسه فاكرك اتنسيتى
انجرحتى او قسيتى
قلبي خايف م اللى جاى
اختلافنا مكنش غلطه
ليه رضيتى فضلتى ساكته
ليه تقوللى انا حبي ورطه
ليه تقضيها اتهام
كنتى وهم خلاص وعدى
لسه حلمى للنهارده
لا يا قلبي كفايه اهدى
قلبه باع من غير كلام

مالي

نويت اكتب على حالي
وعن حلمي وآمالي
وعن أشواقي واللى انا فيه
وكان النص كالتالى :-
بحبك وانتى راس مالي
يا اغلى عندى م الدنيا
واشد عليكى ترحالى
ولو غيبتى مليش دنيا
ولو بعدك صبح ثانيه
مبعرفشى فى ايه مالي
بدل اكتب على نفسي
بقيت بكتب على عيونك
على رموشك على جفونك
على اليوم اللى تبقيلى فيه

تكونيلى وأنا أكونك
وبكتب عن جمال شكلك
وعن إبداع فى تصنيك
مفيش فى الدنيا يشبهلك
وأبيع روحى ولا أبيعك
وبكتب عن مدى شوقى
ونفسي م الهوى تدوقى
وتسكرى منه ف تفوقى
وعمرى معاكى يحلالى

البنات

لو بتسأل ع البنات

هما السكر نبات

هما أزهار الجنينه

هما أجمل كائنات

عارف ايه سر السرور

ضحكه طالعه فوش (نور)

تضحك الدنيا معاها

فجأه صبح الكون يدور

وأما قلبي يدوق أنين

بجري أروح أحضان (نيفين)

انسي روح وانسي تعبى
وانسي كل المجروحين

عارف ايه سر السعادة
لما تسكن قلب (غادة)
تلقي طعم الدنيا حلوه
حلوه حتي وبيزياة

وأما اكون مش محتمل
بس أشوفك يا (أمل)
ببقي واحد تاني خالص
أكني ورده فوق جبل

طب و ايه معني الحنين
نظره واحده من (شيرين)

نظره تاخذ قلبي مني
بنسي منها ا بقي مين

وأما ادور ع الحنان
جوه نني عيون. (إيمان)
بلقي بحر فشطه بسكن
جوه بيت مليون امان

طب و ايه سر المعزة
لون عيون الغالية (عزه)
ويا ضحكه طالعها منها
تلقي طعم الدنيا لذة

اما لو عاوز أثاره
بصه واحده ف وش (سارة)

تنسي بيها الهم كله
تنسي يوم دوقت المرارة

وأما أتوه وسط المدينة
يكون دليلي عيون (أمينه)
وابقي سارح ويا طيفها
لحد مبلاتي السكينة

عارف ايه طعم النجاح
ضحكه واحده من (سماح)
ويا لمسسه من أيديها
تلقي طعم المر راح

اما لو عاوز هنا
هتلاقيه في أحلام (مني)

ببقي جوه فدنيا تانيه
بلقي. نفسي مش هنا

وأما أقولك عالنقاء
غمازات خدين (سناء)
ويارمش عيونه جارحه
فيها بلسم للشفاء

اما لو عاوز مفاتن
هتلاقيها فشكل (فاتن)
تلقي منها الحب كله
حلم جوه القلب ساكن

واللي خايف مالملي جاي
هيه نظره يا ست (مي)

—— ديوان غرقان وسط الهموم ——

نظره تشفي نظره تحيي
راح تخلي القلب حي

اما مفهوم العدالة
أترمي فحضنك يا (هاله)
يبقي بيتي ويبقي سكني
بعدي عنك استحاله

وأما تبقي الدنيا داكنة
تفتحي فحضنك يا (فاطمة)
تفتح الألوان في دنيا
فيها جوه القلب ساكنه

وأما احب انسي المرار

—— للشاعر/ ابراهيم عشري البورسعيدى ——

—— ديوان غرقان وسط الهموم ——

ابتسامه من (منار)
راح تخلي الدنيا جنه
وقلبي سارح في المدار

عارف ايه هوه المراد
اني اسمع صوت (سعاد)
ينخلع من صدري قلبي
ينقلب حي الجماد
هوه ده أجمل مراد

—— للشاعر/ ابراهيم عشري البورسعيدى ——

استغنييت

كان وطني فـ لقبك انت
وبقلبك انت حبيت
كان صدرك احلى مخدة
وفـ حضنك انت البيت
وبضى عيونك انت
بالشعر انا غنيت
لكن انت معنتش انت
والبيت مبقاش البيت
صدقني يا كدبة عمري
ندمان علشان صدقتك
وكتير جدا عدت
دلوقتي عرفت حقيقتك
دلوقتي انا استغنييت

مفیش انصاف

طول مالحب منور ف قلبي
عمری مخاف
عمر الحب ماكان خواف
دنا بالحب اعيش متهنی
وآكل واشبع عيشی الـ حاف
حتى فغز البرد اتدفي
حبك وقت البرد لحاف
حب بيملك كل كيانی
حب بجد مش استخفاف
حب يداوى .. حب بيروى
مش زرعہ والارض جفاف
حب ما بين اتنين اتواعدوا
ماهيعدهم اى خلاف

—— ديوان غرقان وسط الهموم ——

بس صحيت من وهم كبير
ياللى تحب مفيش إنصاف
لو متحبش حد يصونك
تخسر لو عيشت باخلاص
واللى ماشافش اهو فيه انا شاف

—— للشاعر/ ابراهيم عشري البورسعيدى ——

الشعب يؤمر

ليه تملي عليكي بصبر
نفسى بيكي نعدي نعبر
والقي سينا زرع اخضر
لاجل يعلي اسم مصر
مش بخاف ابدأ عليها
شعبها ماسك ايديها
وفي ايديها التانيه بلقي
جيش بيفدي ارض مصر
جيش بيحمي جيش يعمر
بكره بينا هيبقي أجمل
بس لما الشعب يؤمر.

—— ديوان غرقان وسط الهموم ——

من جديد راح نبني مصر

بالجوامع والمصانع / والكنائس والصوامع

راح نزيل كل الموانع / لجل يحللي الكون بمصر

—— للشاعر/ ابراهيم عشري البورسعيدى ——

وحداني

ما تعودتش اعيش وحداني
لازم احب انا واعشق تاني
لازم تعرف انى ف بعدك
هقدر اعيش مع واحد تاني

ياخد حبي وكل حناني
ي بقى ف جنبه ما بين احضاني
لازم انسى عمر انا عشته
اقصد موته واعيش من تاني

ما بيفرقش معايا خسارتك
غلطه عمرى انى اخترتك
وانت اختارت ان ابعد عنك

—— ديوان غرقان وسط الهموم ——

واستعجلت في غلطة عمرك

لازم تفضل تبكى في ليالك

لما تشوفنى بحضن غيرك

لازم تفضل مكوى بويلك

انى قدرت اعيش من بعدك

—— للشاعر/ ابراهيم عشري البورسعيدى ——

بنادي

بحجم استحالة رجوعك قصادي
بحجم الحنين اللي عاصر فؤادي
وحجم السواد اللي قافل عينيه
تمللي يوماتي عليكى بنادي

وبصرخ بصوتي بقول انتي فين
يا حاضره وغايبه يا حلم السنين
سنين عمري راحت فاكرهم يومين
بقول انتي جايه وهشوفك قصادي

بالمختصر

بالمختصر

البعد عمره مكان سفر

ممکن تكون عشان ف حد

بس قلبه من حجر

ممکن تكون وسط الربيع

والقلب جواه المطر

ممکن تكون عاشق لقلب

بس مقطوع الوتر

وأما تدي أمان لحد

تلقي بيك اوام غدر

أو بتغلط غلطه هايقة

ومتلاقيش اللي عذر

كان نفسي

كان نفسي يا حبيبي
كان نفسي تكون حبيبي
وتكون لي الامان
كان نفسي تكون معايا
وتكون ارضي وسمايا
والحاضر واللي كان
كان نفسي تشيل من فوق كتافي
حمل كبير عليه
لكن انت طلعت حمل عمري
ومش قادر عليه
كان نفسي تكون حياتي
وتسيني اهاتي

—— ديوان غرقان وسط الهموم ——

لكن انت بعت ظلمت خنت
وقلبي جنيت عليه

—— للشاعر/ ابراهيم عشري البورسعيدى ——



إبراهيم عشري **(الشاعر الساخر)**

خريج آداب اعلام 2002 شعبه صحافه (جامعة الزقازيق)

رئيس قسم المتابعة بشركة بترو تريد (محافظه بوسعيد)

عضو رابطة الزجالين وكتاب الأغاني

عضو النقابة العامة للأعلام الإلكتروني

محرر صحفى بجريدة الطبعة الأولى

صدر لى ديوان شعر الكتروني بعنوان جوزائي 2017 يتبع دار ادباء 2000 للنشر

صدر لى ديوان مجمع بمشاركة آخرين بعنوان شخبطة 2018 يتبع دار الهدف

للنشر

للتواصل مع الشاعر

<https://www.facebook.com/ebrahim.ebrahim.ashry>

01207101111

صفحة 3	- إهداء
صفحة 5	- تصدير
صفحة 6	- رأيت الناس
صفحة 8	- السكة سد
صفحة 9	- ضمير الحب
صفحة 11	- الوصايا
صفحة 15	- مسرحية
صفحة 17	- نفسي اعيش
صفحة 19	- مكسرات
صفحة 21	- بعيش وخلص
صفحة 23	- الصوت سكات
صفحة 25	- بوعدك
صفحة 26	- نشغل بالنا

28 صفحة	- وكأنه شيطان
30 صفحة	- غريق
32 صفحة	- أحبك في السر
34 صفحة	- حورية الجنة
36 صفحة	- صورة
71 صفحة	- الخيال حياة
40 صفحة	- اتعالجنا بالبعد
41 صفحة	- كآبة وكرب
44 صفحة	- مش حسمعك
47 صفحة	- شير حلمك
49 صفحة	- كملت ديني
51 صفحة	- سيدة عمري
54 صفحة	- الخايب
56 صفحة	- كلام موزون
58 صفحة	- مش فارق

صفحة 60	- ضاع السند
صفحة 62	- حسيبك
صفحة 64	- كنت بحتا للك
صفحة 66	- هعيش على ايه
صفحة 69	- ياست الكل
صفحة 71	- طز
صفحة 73	- أوجاعنا
صفحة 75	- الحلم الفلسطيني
صفحة 77	- أم الدنيا
صفحة 79	- اللي جاي
صفحة 80	- حالي
صفحة 82	- البنات
صفحة 89	- استغنيت
صفحة 90	- مفيش انصاف
صفحة 92	- الشعب يؤمر

———— ديوان غرقان وسط الهموم ————

94	صفحة	- وحداني
96	صفحة	- بنادي
97	صفحة	- بالمختصر
98	صفحة	- كان نفسي
100	صفحة	- نبذة عن الشاعر
101	صفحة	- الفهرس



مع تحيات دار الحسيني للطباعة والنشر والتوزيع
رئيس مجلس الادارة

عبد القادر الحسيني

المشرف العام

محمد عبد القادر الحسيني

المدير العام

عصام عبد القادر

نائب المدين

مختار عبد القادر الحسيني

الهيئة الاستشارية للدار

الدكتور حسام عقل الدكتور علي جاد الحق

الدكتور لطفي سيد صالح الدكتور بسير عبد العظير

الناقد عاطف عز الدين